

## BALLAPE

## Tusaun/Czas e Schluein Glion van per la cuppa

La cuppa grischuna ediziun 2023  
va a Schluein Glion ed a Tusaun/Czas.

RTR/FMR

Ils dus finals che han gi lieu la gievgia suentermezdi sin la piazza da ballape da la Obere Au a Cuira èn stads plain tensiun.

### Umens: Segunda mesadad plain cumbat

Il final dals umens ha cumenzà a moda optimala per US Schluein Glion. Gia en la segunda minuta sajetta *Lars Caduff* il 1:0 per l'equipa da la Foppa. En la 32avla minuta vegn *Marino Cavagn* dad alzar il resultat sin 2:0. Curt suenter la pausa sajetta il capotiragols da Valposchiavo Calcio vegn *Mattia Cathieni* il 1:2. En la meglra fasa da Valposchiavo Calcio, reusseschi a l'attagader da Schluein Glion *Serafin Bundi* da sajettar il 3:1, il gol decisiv. Suenter sis onns turna uschia la Cuppa grischuna en Surselva. L'onn 2017 aveva la US Schluein Glion gudagnà la Cuppa, me-demamain cunter Valposchiavo Calcio.

### Dunnas: Decisiun suenter penaltis

En il final da las dunnas batta Tusaun/Czas Domat cun 5:4. Durant las 90 minutas da gieug n'hai dà nagins gols. Uschia è la decisiun crudada en ils penaltis en favur da Tusaun/Czas. La defensiun dal titel è uschia stada perfectga. Da las 12 ediziuns da la Cuppa grischuna ha Tusaun/Czas cun quai gia gudagnà nov giadas.



L'equipa da Schluein Glion suenter lur victoria encunter Valposchiavo Calcio.

FOTO RTR



Las dunnas da Tusaun/Czas han batti Domat suenter penaltis.

FOTO LIVIA MAUERHOFFER

## MOUNTAINBIKE

## Victoria per Vital Albin

Tar la terza cursa dal Swiss Bike Cup la sonda passada a Lugano ha *Vital Albin* gudagnà sia emprima cursa da la stagiun actuala. El ha gudagnà la cursa persul suenter in ferm duel cun *Dario Lillo*. «Jau hai grond plaschair da quella victoria», ha *Vital Albin* ditg suenter la cursa tenor ina comunicaziun da sia equipa. *Dario Lillo* haja fatg blera pressiu e lantschà la cursa gia da la partenza. Il mountainbiker da Tersnaus n'ha vuli far nagina ina pausa en la stagiun dal cup mundial. «Jau charez las cursas ed il cumbat uschia che jau sun pli gugent sa participà a la cursa da Lugano.» Ina tenuta che ha rendi, grazia a la victoria ha il mountainbiker sursilvan recaltegà impurtants puncts da la glista da rangaziun mundiala. (cdm/fmr)



Vital Albin ha gudagnà a Lugano sia emprima cursa da la stagiun.

FOTO NOAH SCHWEIZER

## TIR



Sin il podest tar la rangaziun singula da 300 meters. (da san.) Carl Frischknecht, Thomas Caviezel e Mario Davaz.

FOTOS GION NUTEGN STGIER

# Tiradurs grischuns fan onur a Benedetg Fontana

Ils tiradurs grischuns han sajettà precis sin la distanza da 300 meters tar la 59avla ediziun dal Tir Chalavaina a Müstair. Er cun la pistola sin la distanza da 50 meters han els persvadì. Tratg il tir istoric han 324 tiradurs e tiraduras e 54 gruppas.

GION NUTEGN STGIER/FMR

Il Tir Chalavaina è dals 19 tirs istorics da la Svizra l'unic che ha lieu en il Grischun. L'emprima giada ha quel gi lieu il 1927. El commemore-scha la guerra da la Chalavaina, nua che las Trais Lias sut Benedetg Fontana han batti l'onn 1499 ils Austriacs sut reg Maximilian I. Mintg'onn n'ha lura il tir istoric betg gi lieu, quai durant ils onns da la Segunda Guerra mundiala. Plirs onns è vegnì sajettà quel tir en roda er a Cuira, Glion, Tavau e Samedan. Dapi il 2014 ha il Tir Chalavaina lieu alternativmain a Tavau ed a Müstair.

Ils onns 2020 e 2021 n'ha el lura betg gi lieu pervia da corona e l'onn 2022 pervia dal Fourm mundial d'economia ch'è stà en il mais da matg a Tavau. Ussa, sonda passada, èn 324 tiradurs e tiraduras da l'entira Svizra stads annunziads per il 59avel tir istoric a Müstair. L'organisaziun dals Jauers, cun *Daniel Clavadetscher*, il president dal comitè d'organisaziun, è stada en tuttas modas e manieras exemplarica. President dal cussegl da Chalavaina è *Andrea Stiff-ler*, il matscheur da Tavau.

Menziunà saja ch'il Tir Chalavaina vegn betg tratg cun armas da militar e betg cun armas da sport. Sin la distanza da 300 meters vegnan tratgs 12 sajets sin la schiba B4 cun valitaziun da diesch. Quai vul dir ch'il resultat maximal munta a 120 puncts.

### Nagina surpraisa

Exemplaric han lura er tratg ils tiradurs e las tiraduras dal Grischun en la concorrenza singula da 300 meters. Cun la victoria da *Thomas Caviezel*, il segund post da *Carl Frischknecht*, l'antier president da l'Uniuon da tir chantunala, ed il terz plaz da *Mario Davaz* hai gist dà in traidubel success grischun. La dominanza grischuna sin quella distanza sa mussa anc pli cler cun consultar la rangaziun. Tranter ils 14 meglers tiradurs sa chattan be participants e participantas dal Grischun. Nagina surpraisa n'è lura la victoria da la gruppa da Rothenbrunnen/Giuvaulta en la concorrenza da gruppas. Pliras giadas è quella gruppa stada campiunessa grischuna e campiunessa svizra.

Per in onn resta ussa la standarta desiderada dal Tir Chalavaina en la Tumleasta. Cumpletà il podest tar las gruppas han lura las gruppas da Tavau e da Müstair. Liestal è la gruppa victura tar la concorrenza da gruppas pistola 50 meters. Sin il podest sa chattan lura cun Cuira



Cusseglie governativ Jon Domenic Parolini durant ses pled da festa.

e Küblis er duas gruppas grischunas. Il victur da la concorrenza singula tar las pistolas deriva dal Partenz e sa numna *Andreas Walli*.

### Dapi il 15avel tschientaner gronda tradiziun

La muntada dal Tir Chalavaina conferma er la gronda preschientscha da la prominenza politica nazionala, chantunala e regionala en la Val Müstair. Preschent era cusseglie dals chantuns *Stefan Engler* e las dus cusseglieras naziunalas *Anna Giacometti* e *Mgadalena Martullo-Blocher*. *Tarzius Caviezel*, il president dal Cussegl grond, era er tranter ils giasts d'onur ed er cusseglie governativ *Jon Domenic Parolini* è vegnì en la Val Müstair.

Deputà *Rico Lamprecht* è er stà da la partida e sa drizzada a la raspada è cun bels peds *Gabriella Binkert Bechetti*, la presidenta da la vischnanca Müstair. *Jon Domenic Parolini* ha cunzunt menziunà l'impurtanza da las festas da tir per la cuminanza, la cumpagnia, per l'aspect social, per la prestaziun sportiva e per la muntada da las uniuns. Dapi il 15avel tschientaner haja il tir gronda tradiziun en Svizra, ha punctuà il cusseglie governativ da Scuol. L'armada saja er ferm dependenta da la lavur che las uniuns da tir prestan ed er en quella chausa meritan ellas respect.

### 300 meters resultats singuls

1. Thomas Caviezel, Rothenbrunnen/Giuvaulta, 116 puncts, 2. Carl Frischknecht, Tumegl, 114, 3. Mario Davaz, Sent, 114, 4. Roman Neuenschwander, Tschlin, 113, 5. Robert Studer, Castrisch, 112, 6. Giuseppe Cadruvi, Ruschein, 112, 7. Alessandro Rousette, St. Maria, 112, 8. Bruno Tschärner, Schiers/Asschera, 112, 9. Silvia Plaz, Rothenbrunnen/Giuvaulta, 111, 10. Simona Tarnutzer, Schiers/Asschera, 110.

### 300 meters resultats 31 gruppas

1. Rothenbrunnen/Giuvaulta, 6565 puncts, 2. Tavau, 640, 3. Val Müstair, 634, 4. Schiers/Asschera, 627, 5. Ruschein, 627, 6. St. Maria I, 626, 7. Beinwil, 621, St. Maria II, 598, 9. Lenzburg, 594, 10. Versomi, 589.

### 50 meters pistola rangaziun singula

1. Andreas Walli, Küblis, 111 puncts, 2. Markus Aebischer, Liestal, 111, 3. Dumeng Fallet, Müstair, 4. Adrian Ambauen, Samedan, 5. Daniel Clavadetscher, Müstair, 6. Stephan Lehmann, Cuira, 109, 7. Leo Dumoulin, Cuira, 109, 8. Klaus Kruse, Tavau, 109.

### 50 meters pistola rangaziun 23 gruppas

1. Liestal, 632 puncts, 2. Cuira, 632, 3. Küblis, 622, 4. Müstair, 616, 5. Zunkzen Tenniken, 602, 6. Samedan, 589.